



Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Germanus Episc. 31. Iulii.

urn:nbn:de:hbz:466:1-44055

Martyres tales se probarunt, cùm jugulum fortiter gladio dederunt. Extincti triduum tumulo caruete, dum Cyrius plumbeis loculis clausum aurum defodit, quod iterum deinde erutum est in lucem, cùm Orbi Christiano Sol suus Constantinus luxit.

Ex actis S. Laurentii.

Noli caduca & fugacia quæ tanquam cera liquescunt, admirari. Vivant alii cum Principibus familiariter; tu per orationem cum Deo versaris: tu unigeniti Filii Dei corpore vesceris; gaudie & letare te dignum effectum esse, qui templum sis Dei. S. Ephrem. de vit. spirit.

S. GERMANUS EPISC. 31. Iulii.

GERMANVM Musæ ad summos honores evexe-
Grunt. In his positus cùm animum ad indigna
munere suo studia dimitteret, & venandi amore
illectus Palladi jam Dianam præponeret, monitor
adfuit Amator urbis Pontifex, & arbore, in quâ
ferarum capita defixerat, excisâ, insanum etiam
venandi studium ex ejus animo extirpavit. Etsi
enim iratum fugere aliquandiu Amator est coa-
ctus, rediit tamen paulò pôst, & inermem in tem-
plo GERMANVM aggressus captum amicâ vi in
sacerdotem attondit, infulæque suæ moriturus
heredem fecit. Inde alium jam vidisses GERMA-
NV. Nemo modestior illo. Nulli digniores in-
fulâ mores, ille cilicio corpus vestire, ille præter
panem hordeaceum & mortis monitorem cine-
rem nihil in mensam admittere. Ille redditus in
pauperes dispensare, & cùm ex his uni tres reliqui
aurei essent, jubere, ut hi etiam illis in prædam
cederent. Verùm cùm ex his unum minister ser-
vasset, Numenque pro binis ducentos dono sub-
mississet, notavit scilicet GERMANVS avaritiam il-

lius, qui ingens fœnus (quod trecentorum aureorum futurū erat) imminuisset. Obiit anno CCCC. XXXV. patriæ suæ unicum præsidium. Nam dum vixit contra imminentes urbi hostes ipse exercitum duxit, signa ipse tulit, utque animos civibus faceret, sæpè sæpius cum suis *Alleluia* insonuit, itaque ferè unus rectè Epinicum ante victoriam cecinit. *Ex Surio.*

Diem ex die ne differas; sed quām celerrimē ad Dominum te converte, anteq̄uam severissimi Iudicis sententia pronuncietur, quæ te vocet ad reddendam rationem talentorum, quæ tibi dedit; & vinclis manibus & pedibus in tenebras exteriores extrudaris. S. Ephrem. de Pœnit. & Conf.

S. IGNATIUS LOYOLA C. 31. Iulii.

IGNATIVS è nobili milite Societatis JESV Dux animi sanitatem pedum debet vulneri, hujus curationem D. Petro, vitæ immutationem piorum librorum lectioni, castitatis verò donum Virginis MAGNAE, quæ cum Filiolo suo spectandam illi se dedit. Ad hujus aram cùm opima spolia, (arma sibi detracta) suspendisset, inter miros pœnitentiæ rigores, MARIA dictante, libellum illum Asceticum scripsit, quem ne libro satis laudes. Cùm horas VIRGINIS percurreret, ad arcanum S. Triadis aspergum admissus est; Ejusdem Sabbatho extra se raptus, non nisi altero Sabbatho ad corpus rediit, Animarum lucro inhians, vir annorum XXXIII. literas discere est aggressus; mox socios scribere, parvas copias, sed ingens orbi laboranti præsidium, & cui JESVS ipse propitium Romæ se fore appromisit. Unicum ei symbolum fuit, *Major Dei Gloria;* perquām familiaris illa cum lacrimis vox:

Huius